



Bosna i Hercegovina
Federacija Bosne i Hercegovine
UNSKO - SANSKI KANTON
JU DIREKCIJA REGIONALNIH CESTA USK BIHAĆ

Broj: 01-23-~~523~~-1/20
Datum: 11.08.2020. godine

Na osnovu člana 191. Pravilnika o radu JU Direkcija regionalnih cesta USK Bihać (broj 01/NO-05-85-2/19 od 17.06.2019. godine), u vezi sa Naredbom Kriznog štaba Federalnog ministarstva zdravstva (broj 01-33-4278/20 od 23.07.2020. godine), direktor JU Direkcija regionalnih cesta USK Bihać, donosi

**K R I Z N I P L A N
PRIPRAVNOSTI I ODGOVORA NA POJAVU COVID-19**

I

Kriznim planom pripravnosti i odgovora na pojavu bolesti uzrokovane novim koronavirusom COVID – 19 (u daljem tekstu: plan), utvrđuju se mjere koje se u JU Direkcija regionalnih cesta USK Bihać (u daljem tekstu: Direkcija) preduzimaju u kontekstu borbe protiv zarazne bolesti prouzrokovane novim koronavirusom COVID-19 (pandemija), vodeći računa o mjerama koje putem naredbi donose nadležni krizni štabovi ministarstava zdravstva i drugi organi vlasti za područje gdje je Direkcija ima sjedište.

II

Mjere koje se preduzimaju u skladu sa ovim planom su sljedeće:

1. Prilikom organizacije svih događaja u Direkciji (konkursne procedure, disciplinski postupci, sastanci i sl.), maksimalni broj učesnika je u pravilu 20. Izuzetno, direktor, ili lice ovlašteno za njegovu zamjenu, može odobriti i veći broj, koji ni u kom slučaju ne može preći dopušteni broj lica za zatvorene prostore (trenutno 50).
2. Nošenje maski prilikom događaja iz tačke 1. ovog plana je obavezno za sve učesnike cijelo vrijeme trajanja događaja, a nepridržavanje propisnog nošenja maske od strane učesnika povlači njegovo trenutno udaljšavanje.
3. Svi učesnici u događajima iz tačke 1. ovog plana dužni su održavati propisanu fizičku distancu od dva metra.
4. Neposredni sastanci sa licima koja ne rade u Direkciji se reduciraju na minimum, a prilikom održavanja moraju se poštovati sve higijensko - epidemiološke mjere (posebno nošenje maski i fizička distanca).
5. Direkcija preduzima sve potrebne mjere kako bi se nabavile dovoljne količine zaštitne opreme, posebno dezinficijensa.
6. Mjere fizičke distance i nošenje maski se primjenjuju i u svim kancelarijama koje koristi Direkcija, uz moguću izuzetak koji opravdava odsustvo svakog bliskog kontakta (radnik sam u prostoriji, postojanje dovoljne fizičke udaljenosti između radnika, i sl.).
7. Radno vrijeme radnika u Direkciji može se skratiti, odnosno, izmijeniti režim rada u slučaju potrebe za tim. Navedeno se uređuje posebnom odlukom, o kojoj će se upoznati svi radnici, i objaviti na oglasnoj tabli Direkcije.
U slučaju proglašenja stanja nesreće, ili ukoliko nadležni organi nalože prekid rada, posebnom odlukom će se definisati način obavljanja djelatnosti Direkcije.
8. Radnici sa zdravstvenim simptomima koji ukazuju na zarazu virusom COVID-19, dužni su ostati kod kuće i kontaktirati nadležne zdravstvene službe, te obavijestiti neposredno nadređenog u Direkciji.

9. Ukoliko radnik uoči simptome bolesti (temperatura, suhi kašalj, otežno disanje i dr.) kod radnog kolege a isti to ranije nije sam prijavio, dužan je odmah obavijestiti neposrednog rukovodioca koji dalje preduzima radnje (obavješćavanje epidemiološke službe, odstranjivanje radnika sa radnog mjesta i dr.) u skladu sa naredbama i preporukama nadležnih institucija i organa.

10. Radnik je dužan upoznati nadređenog u slučaju da je koronavirusom zaražen uži član njegove porodice, kao i ukoliko je radnik imao neposredan kontakt sa zaraženim licem.

11. Službena putovanja radnicima odobravaju se u slučajevima od većeg značaja, vodeći računa o epidemiološkoj situaciji na određištju putovanja.

12. Radnicima se preporučuje da godišnji odmor koriste na određištima koja nemaju lošu epidemiološku situaciju i da maksimalno vode računa o higijensko – epidemiološkim i zaštitnim mjerama, uz poseban dodatni oprez nakon povratka sa putovanja.

13. Primjenjive preporuke nadležnih zavoda za javno zdravstvo i drugih nadležnih organa odnose se i na Direkciju i radnike Direkcije, ako ovim Planom nije drugačije utvrđeno.

14. Direkcija će donositi potrebne dodatne mjere, ako se u daljim okolnostima ukažu potrebnim.

III

Za postupanje po ovom planu i za njegovu implementaciju odgovorni su svi radnici.

Krizni plan pripravnosti i odgovora na pojavu COVID-19 ažurirat će se i mijenjati shodno epidemiološkoj situaciji.

IV

Ovaj Plan primjenjuje se od dana donošenja.



Dostavljeno:

1. Oglasna ploča
2. Internet stranica Direkcije
3. a/a